

Powšitkowne WOZJEWJENJA

bołmončku, 2. apryla 2023

Wusyłanje Božich službow

Serbskorěčnu Božu mšu móža wěriwi tutu njedźelu, bołmončku, 2. apryla, we 8.30 hodź. z Chrósćic jako livestream sčěhować. Kemše zeleny štwórtk, 6. apryla, w 20 hodź., liturgija wulkeho pjatka, 7. apryla, w 15 hodź. kaž tež Boža mša w jutrownej nocy, sobotu, 8. apryla, w 20 hodź. budu tohorunja live wusyłane. Linki na nje su w interneće pod www.posol.de a na wosadnej stronje podate.

Přiležnosć k swjatej spowědži w Róžeńce

póndźelu, 3. apryla
18.30 – 19.30 hodź.

farar M. Anders, farar G. Nawka
farar G. Wornar, pater J. Müller

wutoru, 4. apryla
18.30 – 19.30 hodź.

farar M. Anders, farar T. Dawidowski
kapłan F. Mróz, farar dr. B. Dittrich

Kóždu sobotu je do Božej mše za lud a kraj, kotraž so we 8.00 hodź. zahaja, přiležnosć k swjatej spowědži.

Křižowy puć dekanatneje młodžiny

Křižowy puć modli so dekanatna młodžina bołmončku, 2. apryla, w Pěskecach. Započatk je w 14.00 hodź. při kapalce. Wobdźělnicy měli sej swój wosadny młodžinski baner kaž tež šmóratko z digitalnej knižku k modlenju křižoweho puća sobu přinjesć. Wona je w interneće k dispoziciji. Wotpowědny link je pod www.posol.de wozjewjeny.

Wulět samostejacych

Wulět samostejacych ze serbskich wosadow budže wutoru, 6. junija, a powjedže do českeho Oseka. Wšitcy su wutrobnje přeprošeni, tež ci, kotřiž njejsu samostejacy. Zajimcy měli so w redakciji Katolskeho Posola, telefonowe čisło (0 35 91) 55 02 12 přizjewić.

Putnikowanje do Hejnic

Wěriwi z Němskeje, Pólskeje a Českeje su sobotu, 6. meje, wutrobnje na putnikowanje wujednanja do českich Hejnic přeprošeni, wuraznje tež Serbja. Boža mša w hnadownej cyrkwi zahaji so w 10.30 hodź.

Putniska jězba

Na serbsku putnisku jězbu wot wutory do pjatka, 18. do 21. julija, přeprošuje Radworske Šmitec busowe wozydłownistwo. Wobdźělnicy wopytaja klóšter Huysburg, Naumburski dom kaž tež měšće Halle a Hildesheim. Přizjewjenja přijimuje Šmitec wozydłownistwo, telefonowe čisło (03 59 35) 28 60.

Křižowy puć w Jiřetínje

Na rozpominanje křižoweho puća z tekstami českeho basnika Milana Hrabala su wěriwi a zajimcy wulki pjatk, 7. apryla, w 15.30 hodź. do českeho Jiřetína pod Jedlovou njedaloko Varnsdorfa přeprošeni. Su-li Serbja přitomni, budu teksty tež w serbskej rěči čitać.

Wodženje po Smochčanskim parku

Smochčanske kubłanišćo swjateho Bena přeprošuje wšitkich zajimcow na wodženja po hrodowym parku. Wobdželnicy zhonja tójšto wo stawiznach a botanice areala z minjenych sydom lětsotkow. Něhdže połdrahodžinske wodženja wotměja so sobotu, 17. junija, a njedželu, 2. julija, w 14.00 hodž. kaž tež njedželu, 10. septembra, w 14.00 a w 15.00 hodž. Zdobom móža sej zajimcy hrodowy park sami z pomocu awdijoguida na swojim šmóratku wotkryć, na kotryž přińdu přez QR-code. Digitalne wodženje z dwanaće stacijemi traje něhdže hodžinu.

Rituale při přechodach žiwjenja

„... přez lěto, přez žiwjenje – rituale jako pomoc w žiwjenskich přechodach“ rěka hesło zarjadowanja, kotrež wotměje so sobotu, 22. apryla, w Smochčanskim kubłanišću swjateho Bena. Mjez druhim předstajitaj referentaj, systemiskaj swójbnej terapeutaj Anneliese Günster z Mügelna a farar Uwe Peukert z Kamjenca, wšelake rituale w běhu žiwjenja. Zajimcy změja po přecu składnosć, sej sami ritual za sebje abo za wosebitu žiwjensku situaciju wutworić. Link k dalším informacijam je pod www.posol.de podaty.

Wukubłanje na stajneho diakona

Klětu nazymu zahaja na Fachowej akademiji za wosadnu pastoralku w Magdeburgu nowy wukubłanski kurs za muži, kotřiž chcyli so ze stajnym diakonom w ciwilnym powołanju stać. Zajimcy měli při zahajenju wukubłanja znajmjeńša 35 lět a nic starši hač 50 lět być. Woni móža so w personalnym wotrjedze biskopskeho ordinariata w Drježdžanach za orientacisku rozmołwu přizjewić. Po tym budže rozsudžene, hač so požadanski proces zahaji. Požadanja přijimuju tam hač do njedžele, 30. apryla. Link k nadrobnějším informacijam nańdu zajimcy pod www.posol.de.

Katolsku nabožinu wuwučować

Zajimcy, kotřiž chcyli katolsku nabožinu wuwučować, móža lětsa nazymu wotpowědne wukubłanje zahajić a so přez studij wučerstwa, trajacy po šulskej družinje štyri do pjeć lět, za to kwalifikować. Naslědne šulskopraktiske wukubłanje, tak mjenowany referendariat, traje něhdže połdra lěta. Wuměňjenja mjez druhim su, zo so zajimcy za křesćansku wěru zajimuju, zo so aktiwnje na cyrkwiskim žiwjenju wobdžěleja, ale zo su zdobom komunikatiwni, fleksibelni a kmani w teamje kaž tež z młodymi ludźimi hromadže džělać. Zajimcy měli so na Drježdžanskej Techniskej uniwersiće přizjewić. Požadanska doba za zymski semester, w kotrymž móža studij zahajić, traje wot štwórtka, 1. junija, hač do soboty, 15. julija. Dalše informacije dóstanu zajimcy we wotrjedze za šule a wysoke šule biskopskeho ordinariata w Drježdžanach kaž tež pod www.posol.de. Tam je wotpowědny link k nadrobnemu wupisanju podaty.